



Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta Bosne i Hercegovine”, broj 2/10 – prečišćeni tekst), Skupština Brčko distrikta Bosne i Hercegovine na 8. redovnoj sjednici održanoj 9. aprila 2025. godine, usvaja

**ZAKON
O IZMJENAMA I DOPUNI
ZAKONA O ADMINISTRATIVNIM TAKSAMA**

Član 1

U Zakonu o administrativnim taksama prečišćeni tekst („Službeni glasnik Brčko distrikta Bosne i Hercegovine“, broj: 18/24) član 11 mijenja se i glasi:

„Član 11

Spisi i radnje u postupcima koji se vode po službenoj dužnosti ne podliježu plaćanju administrativnih taksi.“

Član 2

U članu 12 stavu 1 tačka z) mijenja se i glasi:

„z) spisi i radnje u postupku ostvarivanja prava na socijalno stanovanje;“.

Iza tačke z) ovog stava dodaju se nove tačke aa), bb) i cc) koje glase:

„aa) spise i radnje u postupku ostvarivanja prava za subvencioniranje zakupnine za stan socijalnog stanovanja;

bb) spise i radnje u postupku ostvarivanja prava na alternativni smještaj, prestanka prava na alternativni smještaj i prestanak statusa raseljenog lica;

cc) podnesci kojima se pokreću postupci za korištenje besplatne pravne pomoći.“

Član 3

Član 19 mijenja se i glasi:

„Član 19

(1) Administrativne takse plaćaju se za spise koji se podnose, kao i radnje koje se preduzimaju kod organa uprave Brčko distrikta BiH, institucija Brčko distrikta BiH i lica na koja su prenesena ovlaštenja.

(2) Administrativne takse iz stava 1 ovog člana plaćaju se u skladu s Tarifom administrativnih taksi koja je sastavni dio ovog zakona (ANEKS I).“

Član 4

Iza člana 21 dodaje se novi član 21a koji glasi:

„Član 21a

Za akte i radnje u upravnim stvarima za koje je taksena obaveza nastala do dana stupanja na snagu ovog zakona, naplaćuje se taksa koja je bila propisana u trenutku nastajanja taksene obaveze.“

Član 5

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

ANEKS I

TARIFA ADMINISTRATIVNIH TAKSI

Takse na spise i radnje u upravnim i drugim stvarima kod organa uprave Brčko distrikta BiH, institucija Brčko distrikta BiH i lica na koja su prenesena ovlaštenja iznose u KM, i to:

PODNESCI

Tarifni broj 1

Na podneske5 KM,
osim zahtjeva za izdavanje izvoda i uvjerenja iz matične evidencije, zahtjeva za izdavanje izvoda iz planskih akata i svih zahtjeva imovinskopravne prirode, zahtjeva za dodjelu jednokratne pomoći, zahtjeva fizičkih i pravnih lica koji se odnose na inspeksijski nadzor, zahtjeva za nadoknadu štete nastalu usljed elementarnih nepogoda, prijava na javni poziv za dodjelu stana socijalnog stanovanja, zahtjeva priređivača igara na sreću, zahtjeva za izdavanje ovlaštenja za obavljanje mjenjačkih poslova i zahtjeva za ostvarivanje prava na subvencioniranje zakupnine.

Napomena:

1. Taksa po ovom tarifnom broju ne plaća se na naknadne podneske kojim stranka zahtijeva brže postupanje po podnesku.

Tarifni broj 2

Za podnošenje zahtjeva za pokušaj mirenja bračnih partnera Odjeljenju za zdravstvo i ostale usluge.....250 KM.

Tarifni broj 3

Za podnošenje zahtjeva:

- a) za izdavanje ovlaštenja fizičkim licima za projektovanje, građenje, nadzor nad građenjem i reviziju projektne dokumentacije Odjeljenju za javnu sigurnost.....50 KM,
- b) za izdavanje rješenja o ispunjenosti uslova pravnih lica za izradu tehničke dokumentacije, revizije tehničke dokumentacije, građenja i nadzora nad građenjem Odjeljenju za javnu sigurnost.....100 KM.

Tarifni broj 4

Za podnošenje zahtjeva:

- a) za postupak osnivanja i početak rada i obavljanja djelatnosti visokog obrazovanja za univerzitet Odjeljenju za obrazovanje 10.000,00 KM,
- b) za postupak osnivanja i početak rada i obavljanja djelatnosti visokog obrazovanja za visoku školu Odjeljenju za obrazovanje.....6.500,00 KM,
- c) za postupak osnivanja i početak rada i obavljanja djelatnosti visokog obrazovanja za organizacione jedinice univerziteta kao što su: fakulteti, akademije, instituti i druge Odjeljenju za obrazovanje.....6.500,00 KM,
- d) statusne promjene visokoškolskih ustanova i organizacionih jedinica Odjeljenju za obrazovanje.....6.500,00 KM.

Tarifni broj 5

Za podnošenje zahtjeva:

- a) za izdavanje odobrenja za nabavku oružja.....30 KM,
- b) za polaganje ispita o osposobljenosti za pravilno držanje, nošenje i rukovanje oružjem..... 70 KM,
- c) za registraciju i izdavanje oružnog lista.....30 KM,
- d) za izdavanja odobrenja za nošenje oružja..... 30 KM.

Tarifni broj 6

Na žalbe protiv rješenja5 KM,
osim rješenja donesenih u postupcima rješavanja imovinskopravnih odnosa.

Tarifni broj 7

- (1) Za podnošenje zahtjeva za izdavanje odobrenja ili produženja odobrenja za priređivanje:
- a) lutrijske igre na sreću.....100 KM,
 - b) igre na sreću u kasinu ili turnira u kasinu.....100 KM,
 - c) igre na sreću u kladionici.....100 KM,
 - d) igre na sreću na automatima100 KM,
 - e) elektronske igre na sreću.....100 KM,
 - f) igre na sreću tombole bingo u zatvorenom prostoru.....100 KM,
 - g) igre na sreću putem samoposlužnog terminala100 KM,
 - h) igre na sreću putem interneta100 KM.
- (2) Za podnošenje zahtjeva za:
- a) promjenu vlasničke strukture priređivača igre na sreću.....100 KM,
 - b) preseljenje uređaja ili opreme na novu lokaciju priređivača igre na sreću.....100 KM,
 - c) povlačenje iz upotrebe uređaja ili opreme za priređivanje igre na sreću.....100 KM,
 - d) priređivanje nagradne igre.....100 KM,
 - e) priređivanje zabavne igre.....100 KM.

Tarifni broj 8

Za podnošenje zahtjeva za izdavanje ovlaštenja za obavljanje mjenjačkih poslova.....100 KM.

AKTI

Tarifni broj 9

Za sva rješenja za koja nije propisana posebna taksa.....5 KM.

Napomena:

1. Ako se donosi rješenje po zahtjevu više lica, taksa po ovom tarifnom broju plaća se onoliko puta koliko ima lica kojima se rješenje dostavlja;
2. Za rješenja donesena po žalbi ne plaća se taksa.

Tarifni broj 10

- (1) Za izdavanje rješenja kojim se određuje ime i oznaka broda.....80 KM,
- (2) Za izdavanje rješenja za upis plovila u upisnik brodova.....150 KM,
- (3) Za izdavanje brodskih isprava i knjiga.....50 KM,
- (4) Za izdavanje svjedočanstva za plutajući objekat.....50 KM,
- (5) Za izdavanje plovidbene dozvole za čamac.....50 KM,
- (6) Za naknadne upise i ovjere u brodske isprave, brodske knjige i brodarske knjižice 40 KM.

Tarifni broj 11

- (1) Za izdavanje rješenja:
- a) za memorijske kartice..... 10 KM,
 - b) za komisijski pregled radionice za tahografe50 KM,
 - c) za odobrenje rada stanice tehničkog pregleda50 KM,
 - d) o kategorizaciji autobuskih stanica50 KM.
- (2) Za izdavanje licence za:
- a) prevoznika „B“ unutrašnji prevoz putnika, tereta i opasnih materija.....20 KM,
 - b) prevoznika „C“ gradski i prigradski prevoz.....20 KM,
 - c) prevoznika „D“ taksi prevoz:
 - 1) za preduzeća30 KM,
 - 2) za preduzetnike.....5 KM,
 - d) vozilo unutrašnji prevoz putnika, tereta i opasnih materija.....5 KM,

- e) vozilo gradski i prigradski prevoz.....5 KM,
- f) vozilo taksi prevoz 5 KM.
- (3) Za izdavanje iskaznice za vozača po zahtjevu..... 5 KM.

Tarifni broj 12

- (1) Za izdavanje odobrenja za obavljanje prevoza za vlastite potrebe u drumskom saobraćaju30 KM.
- (2) Za svaku izmjenu odobrenja za obavljanje prevoza za vlastite potrebe u drumskom saobraćaju plaća se5 KM.

Tarifni broj 13

Za izdavanje odobrenja za kretanje teretnog motornog vozila ulicama grada Brčko gdje postoji zabrana kretanja za takva vozila, za period od godinu dana koji se računa od 1. 1. do 31. 12. tekuće godine, i to:

- a) teretna vozila čija dozvoljena masa ne prelazi 2.100 kg.....100 KM,
- b) teretna vozila čija je dozvoljena masa od 2.100,01 kg do 3.500 kg150 KM,
- c) teretna vozila čija je dozvoljena masa od 3.500,01 kg do 7.500 kg200 KM,
- d) teretna vozila čija je dozvoljena masa preko 7.500,01 kg, a dozvoljena masa skupa sa vozilom ne prelazi 12.000 kg.....300 KM,
- e) teretna vozila čija dozvoljena masa skupa sa vozilom prelazi 12.000 kg 450 KM.

ISPRAVE

Tarifni broj 14

- (1) Za izdavanje:
 - a) izvoda iz matičnih knjiga – domaći2 KM,
 - b) izvoda iz matičnih knjiga – inostrani5 KM,
 - c) uvjerenja5 KM.
- (2) Za obavljanje zaključenja braka:
 - a) u službenim prostorijama30 KM,
 - b) van službenih prostorija po zahtjevu stranke.....150 KM,
- (3) Za pokretanje smrtovnice po zahtjevu stranke5 KM.

Napomena:

Ukoliko stranka putem jednog ili više zahtjeva traži više isprava, taksa se naplaćuje onoliko puta koliko se isprava traži.

Tarifni broj 15

- (1) Za duplikat isprave o završenom školovanju ili stručnoj kvalifikaciji, kao i izdavanje fotokopija dokumenata iz arhive i Arhiva Brčko distrikta BiH5 KM.
- (2) Za korištenje arhivskih fondova s ciljem istraživanja arhivske građe:
 - a) za korištenje jednog fonda50 KM,
 - b) za korištenje svakog sljedećeg fonda.....10 KM.

Napomena

Ukoliko stranka putem jednog ili više zahtjeva traži fotokopije dokumenta iz više predmeta, taksa se naplaćuje onoliko puta koliko predmeta zahtjev obuhvata.

Tarifni broj 16

Za uvjerenje kojim se dokazuje porijeklo, vrijednost, količina, kvalitet ili zdravstvena ispravnost robe.....5 KM.

Napomena:

Ova taksa ne plaća se na inostrane poštanske deklaracije koje prate sprovedni list.

Tarifni broj 17

Za izdavanje:

- a) oružnog lista..... 30 KM,
 b) dozvole za nošenje oružje.....30 KM,
 c) potvrde o prijavi oružja..... 20 KM,
 d) potvrde o položenom ispitu o osposobljenosti za pravilno držanje, nošenje i rukovanje oružjem.....
 20 KM.
- e) zapisnika o uviđaju saobraćane nezgode30 KM.
 f) izvještaja o oštećenjima i Evropskog izvještaja o saobraćajnoj nezgodi.....20 KM.

RADNJE

Tarifni broj 18

(1) Za ovjeru potpisa, rukopisa i prepisa fizičkih lica:

- a) za ovjeru svakog potpisa2 KM,
 b) za ovjeru autentičnosti rukopisa, za ovjeru prepisa ili fotokopija od svakog polutabaka1 KM,
 c) za ovjere potvrde o životu5 KM,
 d) za ovjeru raznih vrsta spisa koji se koriste za rješavanje statusnih pitanja građana
 5 KM,
 e) za ovjeru izjava, potvrda odnosno uvjerenja o izdržavanju koje se koristi u
 inostranstvu.....30 KM.
- (2) Za ovjeru svakog potpisa, rukopisa i prepisa pravnih lica5 KM.

Napomena:

Pod polutabakom podrazumijeva se list papira od dvije strane normalnog uredskog papira ili papira manjeg formata (22 x 25 cm).

Tarifni broj 19

Za ovjeru plana5 KM.

Tarifni broj 20

Za ovjeru kaliografske kopije plana ili crteža plaća se od cijelog započeto kvadratnog metra
5 KM.

Tarifni broj 21

- (1) Za ovjeru potpisa na ugovorima na ime takse plaća se 0,5% (nula zarez pet posto) od vrijednosti:
 najmanje2 KM,
 najviše30 KM.
- (2) Za ovjeru potpisa na ugovorima koji su neophodni za dobijanje kredita plaća se taksa od
2 KM.

Napomena:

1. Svaka izmjena sadržaja ugovora smatra se u pogledu takse kao nov ugovor.
2. Taksa po stavu 1 ovog tarifnog broja plaća se na vrijednost koja je u ugovoru navedena.
3. Ako nije navedena vrijednost ugovora i/ili vremenski period, naplaćuje se najviši iznos takse iz stava 1 ovog tarifnog broja.

Tarifni broj 22

Za prepisivanje službenih akata ili dokumenata:

- a) kad prepisivanje vrše zainteresovana lica, od polutabaka originala10 KM,
 b) kad prepisivanje vrši organ, organizacija ili zajednica od polutabaka originala
10 KM,
 c) kad organ, organizacija ili zajednica vrši prepisivanje akata ili dokumenata na stranom jeziku, od
 polutabaka originala30 KM.

Napomena:

Taksa iz tarifnog broja 22 važi za prvi polutabak originala, a za svaki sljedeći polutabak originala
 plaća se po.....5 KM.

Tarifni broj 23

Za izdavanje odobrenja za građenje:

- a) za nužno prateće objekte: drvljanik, šupe, bunare, poljske nužnike i slično..... 5,00 KM,
- b) za druge prateće objekte: garaže, priručna skladišta, otvorene nadstrešnice, ljetne kuhinje i slično 10,00 KM,
- c) za individualne stambene objekte s jednom stambenom jedinicom od predračunske vrijednosti 1% (jedan posto) ili
 - minimalno 30,00 KM
 - maksimalno 300,00 KM,
- d) za individualno stambene objekte s dvije ili tri stambene jedinice, stambeno-poslovne objekte s jednom poslovnom i do tri stambene jedinice od predračunske vrijednosti 1% (jedan posto) ili
 - minimalno 50,00 KM
 - maksimalno 500,00 KM,
- e) za objekte za kolektivno stanovanje, ostale stambeno-poslovne objekte, poslovne objekte i za ostale građevinske objekte, od predračunske vrijednosti 1% ili
 - minimalno 100,00 KM
 - maksimalno 1.000,00 KM.

Tarifni broj 24

Za izdavanje protokola regulacije ili građevinske linije:

- a) za jednu ulicu 10 KM,
- b) za više ulica 30 KM.

Napomena:

1. Za obnovu regulacionog polja plaća se 70% (sedamdeset posto) od odgovarajuće takse iz ovog tarifnog broja.

Tarifni broj 25

Za izdavanje:

- a) saglasnosti na prilog mjera zaštite na radu 20 KM,
- b) elektroenergetske saglasnosti na projekt elektroenergetskog inspektora 20 KM,
- c) sanitarne saglasnosti na lokaciju i projektnu dokumentaciju 20 KM,
- d) saglasnosti na projektovane mjere i normative zaštite od požara u tehničkoj dokumentaciji 20 KM.

Tarifni broj 26

- (1) Za tehnički pregled mašinskih, elektrotehničkih, elektromašinskih, plinskih i drugih postrojenja, koja po postojećim propisima podliježu obaveznom pregledu radi dobijanja odobrenja za upotrebu, plaća se po radnom satu komisije 40 KM.
- (2) Za pregled vozila u pogledu ispunjavanja tehničko-eksploatacionih uslova 30 KM.
- (3) Za izradu fotodokumentacije o kriminalističko-tehničkom pregledu motornog ili priključnog vozila 100 KM.
- (4) Za izradu snimljenih fotografija iz saobraćajnih nezgoda..... 20 KM.

- (5) Za pratnju vangabaritnog tereta po 1 kilometru u jednom pravcu..... 30 KM.
- (6) Za alkotestiranje (ukoliko je test pozitivan)..... 80 KM.
- (7) Za premještanje nepropisno zaustavljenog ili parkiranog vozila..... 100 KM.
- (8) Za izvlačenje i prenošenje vozila havarisanog u saobraćajnoj nezgodi na području Brčko distrikta BiH 100 KM.
- (9) Za prisustvovanje predavanju o posljedicama koje proizilaze iz nepoštovanja ili nepoznavanja propisa o sigurnosti saobraćaja na putevima..... 200 KM.
- (10) Za izdavanje legitimacije za pripadnika osiguranja, odnosno detektivske legitimacije 30 KM.

Tarifni broj 27

- (1) Za utvrđivanje uslova za osnivanje i rad ustanove socijalne zaštite za odrasla i stara lica..... 1.000 KM.
- (2) Za utvrđivanje ispunjenosti uslova neophodnih za obavljanje zdravstvene djelatnosti zdravstvenih ustanova i privatnih praksi koji se odnose na prostor, kadrove i opremu.....1.000 KM.
- (3) Za utvrđivanje ispunjenosti uslova neophodnih za obavljanje djelatnosti vezanih za proizvodnju i prometovanje lijekova na veliko, kao i utvrđivanje ispunjenosti uslova za proizvodnju medicinskih sredstava o prometovanje medicinskih sredstava na malo.....1.000 KM.

Tarifni broj 28

Za izdavanje odobrenja za rad stranim državljanima100 KM.

Tarifni broj 29

Za izdavanje potvrde na elaborat o etažiranju, po svakom posebnom dijelu nekretnine 5,00 KM.